



COMUN DI CJAMPFUARMIT

Provincie di Udin

Plaçâl dal Municipi, 9 - 33030 Cjampfuarmit (P.I. 00485010300 - C.F. 80004790301)

telefon 0432/653511 - fax 0432/663581

PREAMBUL

Fint de Ete di Mieç il teritori, che al corispuint al Comun di Cjampfuarmit di vuê, al jere formât di trê vilis rustichis: Basandiele, Bresse e Cjampfuarmit, rezudis di assembleis des viciniis che a eleievin un Dean e doi Zurâts. La sô vite, leade principalmentri a une economie rurâl e feudâl, e jere regolade di normis consuetudinariis, che a cjapavin forme scrite intai Statûts de basse Ete di Mieç.

La partignince di Cjampfuarmit al Patriarcjât di Aquilee, par scuasit 350 agns, (1077-1420) al caraterize la sô storie di tiere part de "Patrie dal Friûl" e di une comunitât cun profundis lidrîs cristianis, leade a la Glesie di Aquilee. Gracie a chest leam fuart si formà e si rinfuarçà la specifiche identitât linguistiche, sociâl, economiche e religjose dal nestri popul.

Ancje i piçui borcs rurâi, lis piçulis comunitâts clamadis "Vilis" a gjoldevin di particolârs libertâts amministrativis. I Statûts des trê Viciniis di Basandiele, Bresse e Cjampfuarmit, a fissavin la durade de incarghe dal Dean e lis modalitâts dal davuelziment de assemblee che si deve dongje, al sun de cjampane, sot il tei. I dibattits a vignivin fats in lenghe furlane e i verbâi a jerin butâts jù dai nodârs.

Cjampfuarmit al ve e al manten l'onôr di une innomine inte storie, par un fat ricuardât come il "IL TRATÂT DI CJAMPFUARMIT" firmât ai 17 di Otubar dal 1797 tra Napoleon Buonaparte e i Plenipotenziaris dal Imperi Austro ongjaric, che al delimità il passaç di une epoche, segnant i destins di une vore di popui.

"Intal inmaniâ gnûfs Ents, in grât di dâ ai citadins miôr servizis, al incuarpà lis antighis viciniis, tal nestri câs, Cjampfuarmit, Bresse e Basandiele dal Cormôr e al sometè i gnûfs comuns a lis midiesimis leçs, che no lassavin puest a lis diferencis originâls dai vieris statûts."

Chel moment impuartant de storie d'Europe al savoltà i ûs e i custums, trasformant di plante fûr il tiessût sociâl cun profundis consequencis culturâls.

Une clausule fundamentâl dal Tratât di Cjampfuarmit, par altri e prevedeve il ricognossiment de Republiche Cisalpine de bande da l'Austrie: un fat unic pe Europe d'in chê volte.

Pe prime volte l'Imperi Austriac al permeteve formalmentri di ricognossi la esistence di un stât rivoluzionari.

D'in chê volte il Comun di Cjampfuarmit al à seguît la storie dal rest dal Friûl, che si zontà al Ream d'Italie tal 1866. Il nestri Comun al fo cjapât dentri tes grandis vicendis di vuere dal secul XX, che e je testimoniance tal aeropuart militâr e che al è presint ancje in di di vuê sul teritori.

"La storie de nestre int e de nestre tiere e je ben rapresentade tal steme concedût dal President de Republiche cun decret dal 24 di Mai dal 1963. La balance d'arint cun impugnature di aur e rapresente la justizie aministrade dal Patriarcje di Aquilee "ante Ecclesiam Beati Kantiani", ven a stâi sui prâts de gleseute di San Canzian, sdrumade in timp de vuere dal 1915. Lis peraulis in neri sun cartele zale "Actum in prato de Campoformio feliciter" a son stadis tiradis fûr di un document scrit in ocasion di une sentade dal Parlament de Patrie dal Friûl, che si de dongje su lis nestris pradariis ai 14 di Lui dal 1231. I trê grifons, in cjamp celest, a memorein la storie de aeronautiche taliane, che culì e à inmaniât trê cjamps a la vilie de prime vuere mondiâl e po e fasè di Cjampfuarmit une des sôs basis par simpri."

TITUL I

PRINCIPIS GJENERÂI

ART. 1 PRINCIPIS FONDAMENTÂI

1. Il Comun di Cjampfuarmit al è Ent locâl autonom cun podês e funziions seont i principis stabilîts de Costituzion des Leçs gjenerâls de Republiche Taliane e de Regjon Autonome Friûl Vignesie Julie, che e rapresente la proprie comunitât, al cure i interès e al promôf il disvilup.

2. Tal stes timp al è part integrant de Comunitât europeane e de Comunitât mondiâl e al concor a la promozion de culture, de pâs, de solidarietât e de cooperazion internazionâl al disvilup.

3. Il Comun al è Ent indotât di podê normatîf, di autonomie organizative e finanziarie e al esercite lis funziions propriis, atribuidis o delegadis, inspirantsi al principi de sussidiarietât.

4. Il podê normatîf al consist te potestât statutarie e in chê regolamentâr.

5. Il presint Statût, in armonie cu la Costituzion e cui principis gjenerâi in materie di organizazion publiche, tal rispjet di ce che al è stabilît de Leç in materie eletorâl, di orghins di guvier e di funziions fundamentâls, al stabilis i principis di organizazion e funzionament dal Ent, lis formis di control, lis garanziis des minorancis e lis formis di partecipazion populâr.

ART. 2 TERITORI E SEDE COMUNÂL

1. La circoscrizion teritoriâl dal Comun e je costituide da lis Comunitâts di Cjampfuarmit, costituint il cjâf lûc, Basandiele, Bresse e Vile Primevere constituent ancjetantis fraziions.

2. Lis adunancis dai orghins eletîfs si fasin te sede comunâl. In câs dal dut particolârs, e par motivadis esigjencis, il Consei al pues dâsi dongje in sîts diviers de proprie sede.

3. La competence a mudâ lis circoscriziions teritoriâls comunâls e parten a la Regjon che e proviôt cun Leç di pueste, sintudis lis popolaziions interessadis midiant un referendum consultîf.

ART. 3 STEME E CONFENON

1. Il Comun al à come segns distintîfs la steme e il confenon, ricognossûts dal President de Republiche Taliane cun decret dal 24 di Mai dal 1963.

La steme e risulte cussì descrite: dividude in dôs parts, in chê superiôr cul sfont ros e je rapresentade une balance di arint di doi plats intor di une spade, ancje chê di arint cun impugnature di aur e cun parsore une cartele zale cu la scrite in caratars neris "Actum in prato de Campoformio feliciter MCCXXXI". Te part basse, su font blu, a son rapresentâts trê sgrîfs alâts al naturâl, ordenâts in fasse. La steme e je cerclade di ornamentals.

Il confenon al è un drap dividût tai colôrs ros e blu, une vore ben ornât di ricams di arint e cun dentri la steme comunâl cu la iscrizion centrade in arint "Comune di Campoformido".

Lis parts di metal e i cordons a son arzentâts. La aste verticâl e je infodrade di vilût dai colôrs dal drap, alternâts cun brucjons indarintâts metûts a spirâls. Inte frece e je rapresentade la steme dal Comun e su la gjambe al è incidût il non. Cravuate e curdelis a son dai trê colôrs nazionâi cun franzis di arint.

2. Tes cerimoniis e tes altris publichis ricorencis, il Sindic al pues disponi che al vegni esibît il confenon cu la steme dal Comun.

3. L'ûs e la riproduzion di tâi simbui, par finalitâts no istituzionâls, a son di volte in volte autorizâts de Zonte comunâl, tal câs che al sei un public interès.

ART. 4 PRINCIPIS FINALITÂTS GARANZIIS

1. Il Comun al rapresente la comunitât locâl, al cure i siei interès e al promôf il disvilup civîl, sociâl, culturâl e economic e al indrece la sô politiche ancje a nivel teritoriâl.

2. Il Comun al promôf la valorizazion dal patrimoni ambientâl e culturâl, adotant in dutis lis sôs ativitâts di planificazion urbanistiche, di regolamentazion edilizie, dut ce che al covente pe cognossince, pe conservazion e valorizazion dai bens culturai e ambientâi, par garantî une plui buine cualitât di vite.

3. A costituissin la comunitât comunâl di Cjampfuarnit ducj i citadins resident sul teritori dal Ent.

4. Tal rispiet des regulis in vore i citadins de Union Europeane residents intal teritori comunâl a partecipin a la vite publiche locâl tes stessis formis e mûts che a son garantîts ai citadins talians residents.

5. Il Comun di Cjampfuarnit al favoris il mantigniment dai leams culturâi, morâi e economics cui siei citadins residents intal forest ancje a travers i Ents e lis organizazions metudis di pueste.

6. Il Comun di Cjampfuarnit, intal cercin des propis funzions e competencis, al promôf e al met in vore, in colaborazion cui Ents interessâts e la Regjon Friûl Vignesie Julie, lis iniziativis indreçadis a garantî lis miôr condizions di permanence ai citadins emigrants, ai citadins talians no residents e ai foresscj che par motîfs di lavôr, di studi, di turisim o par necessitâts familiârs, assistenziâls o di cure si cjatin sul propi teritori.

7. Al prudele e al valorize libaris formis associativis, la lôr costituzion e la lôr inressite; al favoris la partecipazion e al met in vore formis di consultazion de popolazion, al promôf la discussion e il confront sui afârs che a rivuardin la realizazion des propis finalitâts istituzionâls e dai programs, cun dute la gjestion dai servizis. Al garantis la publicitât dai ats de Aministrazion comunâl e la jentrade a lis struturis e ai servizis.

8. Il Comun di Cjampfuarnit al indrece la propie azion a la valorizazion des components storichis, tradizionâls, culturâls, linguistichis e ambientâls tipichis dal teritori. Al promôf, intal rispiet des reciprochis autonomiis, la plui largje colaborazion cu la Universitât e lis altris scuelis e istitûts.

9. Il Comun, cun riferiment a la declarazion universâl dai Dirits dal Om, fate buine de Assemblee Gjenerâl des Nazions Unidis ai 10 di dicembar dal 1948, si impegne a ricognossi il valôr di ogni Om.

10. Il Comun si impegne a favorî lis condizions par une realizazion di une efetive paritât om-femine tal cjamp lavoratif. L'obietîf al è chel di sigurâ a lis feminis paritât di oportunitâts tes condizions di lavôr e tal disvilup profesionâl.

11. Il Comun si impegne ancje a favorî la presince di ducj i doi i ses te Zonte e tai Orghins colegjâi dal Comun, ven a stâi dai Ents, Aziendis e Instituzions.

12. Il Comun al promôf e al aderis, tal rispiet des Leçs de Republiche, seont i principis de "Cjarte" Europee des Autonomiis Locâls a formis di colaborazion, amistât e solidarietât cun Ents Locâi di altris Paîs, cu la finalitât di perseguî une politiche di pàs.

ART. 5 LENGHE FURLANE

1. Il Comun al considere la lenghe furlane un valôr che no si pues rinunziâ stant che e je espression essenziâl de identitât dal popul furlan; si impegne a valorizâ l'ûs in ogni cjamp, tai limits previodûts de Costituzion e di altris normis juridichis che a stan parsore a di chês dal presint Statût.

2. Lis istituzions culturâls dadis fûr dal Comun a colaborin par rivâ adore a cjapâ lis finalitâts che a son indicadis tal come 1.

3. I Conseîrs comunâi a puedin esprimisi in lenghe furlane tal cors des ativitâts dal Consei comunâl e des Comissions conseârs, cussì pûr presentâ interrogazions, interpelancis e mozions dadis dongje in lenghe furlane. Lis modalitâts di tâls facoltâts a son stabilidis cun regolament comunâl.

4. Il Comun al pues doprâ i nons di lûc par furlan, dongje di chei uficiâi par talian.

4. I citadins a puedin doprâ la lenghe furlane tai lôr rapuarts cu la Aministrazion comunâl. Il regolament al definis lis modalitâts dal esercizi di cheste facoltât.

ART. 6 FUNZIONI

1. Il Comun di Cjampfuarnit, tal esercizi des propis funzions e di chês assegnadis o delegadis dal Statût, de Regjon e da lis leçs dal Stât al indrece la sô azion ai principis di eficacitât, efience, razionalitât e economicitât di gjestion, publicitât, transparence, e rapresentativitât democratiche, favorint la partecipazion dai citadins e sigurantjur i dirits di jentrade e di informazion cun ducj i struments a garanzie de imparzialitât e dal bon andament de gjestion. Pal davuelziment coordinât di funzions e servizis determinâts, pe lôr gjestion associate e pe definizion e atuazion di oparis, intervencis o programs che pe complete realizazion si domandi la azion integrate di plui Ents publics, il Comun si vâl dal ricors des formis associativis e di cooperazion e ai acuardis di program previodûts de Leç.

TITUL II

I ORGHINS

CJÂF 1 I ORGHINS ELETÏFS

ART. 7 I ORGHINS

1. A son orghins dal Comun il Consei comunâl, la Zonte, il Sindic. Lôr a costituissin tal lôr complet il guvier dal Comun che a esprimin la volontât politiche amministrative, esercitant, tal cercin des respetivis competencis, podês di indreçament e di control su dutis lis ativitâts dal Ent.

2. La elezion, la revoche, lis dimissions, la cessazion de incarghe par cualsisei cause dai orghins eletÏfs dal Comun o dai lôr sengui components e la lôr sostituzion a son regolâts de Leç e des normis dal presint Statût.

3. Lis dimissions de incarghe di Consei a son indreçadis al Consei comunâl e e àn di jessi cjapadis sù subit tal protocol dal Ent. Lôr no puedin jessi tiradis indaûr, nol covente che il Consei a' nt feveli e a son validis dal moment. Il Consei comunâl, dentri e no oltri di dîs dîs, al à di proviodi a la sostituzion dal dimissionari.

ART. 8 IL CONSEI COMUNÂL

1. Il Consei al è l'orghin di direzion e di control politic amministratîf. Il Consei comunâl al è indotât di autonomie organizative e funzionâl, e, rapresentant la interie comunitât, al stabilis l'indreçament politics amministratîf dal Comun e int controle che al vegni metût in vore.

2. Il Consei comunâl al à i podês e lis competencis che la Leç e previôt e dal Statût e al davuelç lis propriis atribuzions seont i principis, lis modalitâts e lis proceduris stabilîts di chest Statût e tes normis dai regolaments.

3. Il Consei comunâl al formule i indreçaments di caratar gjenerâl par consintî al Sindic, tal cercin de normative regionâl, di coordinâ i oraris dai exercizis comerciâi, dai publics exercizis e dai servizis publics, ancje in acuardi cui responsabii, competents par teritori, des amministrazions interessadis, i oraris di viertidure al public dai uficis publics che si cjatin intal teritori, cul fin di fâ concuardâ il davuelzisi dai servizis cu lis esigjencis complessivis dai utents.

4. Il Consei comunâl al definis i indreçaments pe nomine e la designazion dai rapresentants dal Comun daprûf dai Ents, Aziendis e Istituzions. Chescj instradaments a son vlevui cun riferiment al arc dal timp dal mandât politic-amministratîf dal orghin consiliâr e in ogni câs fin che no vignaran fats di gnûfs.

5. Il funzionament dal Consei al è disciplinât dal Regolament che al dete, in particolâr, lis modalitâts pe convocazion, pe presentazion e discussion des propuestis. Il citât regolament al è aprovât a maiorange assolude.

ART. 9 LINIIS DAL PROGRAM DAL SINDIC

1. Jenfri i 90 dîs de date di insediament il Sindic, sintude la Zonte, al presente al Consei lis liniis dal program relativis a lis azions e ai projets di realizâ dilunc dal mandât politic-amministratîf.

2. Il document che al conten lis liniis dal program al è deponût daprûf de Segretarie comunâl di almancul 10 dîs prime de presentazion. Jenfri il stes tiermin il Sindic al da comunicazion dal dipuesit ai Consei comunâi.

3. Ogni Consei comunâl al à il dirit di intervignî inte definizion des liniis di program, proponint des modificis e integrazions par mieç di emendaments.

4. Insom dal mandât politic amministratîf il Sindic al presente al orghin dal Consei il document di rindicont dal stât di atuazion e di realizazion des liniis dal program.

ART. 10 CLAMADE DAL CONSEI

1. Il Consei comunâl al è clamât dongje dal Sindic, al fisse la zornade de sentade e al stabilis l'ordin dal dì. Tai câs di assence o impediment dal Sindic, al è dât dongje di cui che lu sostituìs a norme di Leç e dal presint Statût.
2. L'avîs di clamade, cul ordin dal dì, al à di jessi publicât tal Cuadri Pretori e consegnât ai Conseîrs intai mûts e intai tiermins previodûts dal regolament.
3. Il Consei si da dongje:
 - a) in sentade ordenarie pal esercizi des funzions e l'adozion di proviodiments di sô competence;
 - b) in sentade di urgence, par motîfs di grande impuartance che no si puedin rimandâ; in chest câs la convocazion e pues vê lûc cuntun preavîs di almancul 24 oris e ogni delibare a pues jessi ritardade al dì dopo su domande de maiorance dai Conseîrs presints.
4. Il Sindic al è tignût ancje a clamâ dongje il Consei, se a domandâlu a son almancul un cuint dai Conseîrs assegnâts; in chest câs la adunance e à di sedi convocade dentri i vincj dîs dal riceviment de richieste e la predisposizion dal ordin dal dì de sedude i spiete al Sindic sintude la conference dai Cjâfs di grup.
5. Il Consei si da dongje ancje su iniziative dal Assessôr Regionâl pes Autonomiis Locâls, intai câs proviodûts de Leç e cun difide.

ART. 11 SENTADIS E DELIBERAZIONS

1. Il Consei nol pues deliberâ se no interven almancul la metât dal numar dai conseîrs assegnâts al Comun. In seconde clamade, che e varà lûc intune altre zornade, lis deliberazions a son validis, pûr che al intervegni almancul un tierç dai conseîrs assegnâts, lassant fûr il Sindic.
2. Lis adunancis a son pressedudis dal Sindic. In câs di assence o pidiment dal Sindic la presidence e je davuelte dal Vice Sindic.
3. Cui che al è a cjâf des sentadis dal Consei al à il podê discrezionâl par mantignî l'ordin, l'osservance des Leçs, dal Statût e dai Regolaments e la regolaritât des discussions e deliberazions, cun facultât di suspendi o sierâ l'adunance e di ordenâ l'espulson di cualsisei tra il public che al sei la cause di disordin.
4. Lis sentadis dal Consei a son publichis. Fale i câs previodûts dal regolament conseâr di funzionament dal Consei.
5. Lis propuestis di deliberazion, furnidis dai relatîfs ats e parês dai uficis interessâts, a son metudis a disposizion dai Conseîrs, daprûf de Segretarie comunâl, almancul trê dîs prime de sentade. Il tiermin al è ridusût a une zornade tal câs di une convocazion urgente.
6. Sui emendaments proponûts, in sede di discussion, al originari test des propuestis di deliberazion, iscritis al ordin dal dì, a à di jessi domandâts i parês previodûts de Leç, prime di meti al vôt. Il Segretari comunâl, par chel che al rivuarde la sô competence, al pues domandâ che la votazion e vegni spostade intune altre sentade par consintî un exam plui complet des propuestis di emendamento al fin di scoltâ i parês e lis atestazions domandadis.
7. Lis votazions a vegnin a scrutini palês, lis votazions che a rivuardin lis personis si fasin cun votazion cun scrutini segret.
8. Lis deliberazions si intindin aprovadis se a otegnin il vôt favorevul de maiorance assolude dai votants, fale i câs che si domandi une maiorance diferent de Leç, dal presint Statût o di altris normis.
9. Tes votazions cun scrutini segret lis schedis blancjis e nulis si contin par determinâ la maiorance dai votants.
10. Se tes nominis di competence dal Consei comunâl e à di sei garantide une rapresentance stabilide prime des maiorancis e des minorancis e che no sedin precisadis de leç par disciplinâ l'elezion, il President al stabilis lis modalitâts de votazion in mût che a sedin siguradis coretementi chestis rapresentancis, intal cercin des designazions preventivementri espressis dai respetîfs cjâfs di grup: ogni Conseîr al pues jessi invidât a votâ par un sôl non e in ogni câs a restin elets tai puecj di cuvierzi chei che a ripuartin il maiôr numar di vôts.
11. Tes elezions dai Revisôrs dai conts e in dutis lis nominis in gjenar indulà che e sei previodude la elezion cun vôt limitât, a risultin elets chei che a vebin otignût il maiôr numar di vôts tai limits dai puecj assegnâts.
12. Lis mozions e i ordins dal dì si intindin aprovâts se a otegnin il vôt favorevul de maiorance assolude dai votants.
13. I Conseîrs presints che a declarin di astignîsi si contin tal numar dai Conseîrs necessari a rindi valide la sentade.
14. La astension obligatorie tai câs previodûts de leç al compuarte l'oblic di dislontanâsi de sale conseâr e di no partecipâ, oltri che a la votazion, a la interie discussion rivuardant la deliberazion o une part de stesse li che il Conseîr al è tignût a astignîsi.

15. Il risultât de votazion al è ricognossût e proclamât dal Sindic, assistût tal câs di votazion cun scrutini segret di trê conseîrs scrutatôrs di lui in precedenza designâts.

16. Par ogni votazion fate, al va metût a verbâl il numar dai presints, dai votants, dai vôts favorevui a la propueste e di chei contraris, dai astignûts e, pes votacions cun scrutini segret, i vôts otignûts di ognidun candidat, il numar des schedis blancjis e di chês anuladis.

17. Ogni Conseîr al à dirit di fâ meti a verbâl il so vôt e i motîfs che lu àn determinât. Nissune propueste refudade o che no vebi vût in ogni câs il numar ocorint di vôts favorevui e pues jessi tornade a proponi tal cors de stesse sentade dal Consei.

18. Dome intal câs di nominis di fâ a scrutini segret, cuant che l'esit de votazion nol da la pussibilitât di procedi a la proclamazion di ducj i nominatîfs di elei, al è consintît di procedi a gnovis votacions, baste che al sei l'acuardi de maiorance dai conseîrs assegnâts.

ART. 12 PARTECIPAZION DAL SEGRETARI COMUNÂL

1. Il Segretari dal Comun al cjape part a lis riunions dal Consei e al pues ancje cjapâ la peraule, cu la autorizazion dal Sindic, dome su lis cuistions che a rivuardin la conformitât de azion amministrative a lis Leçs, al Statût e i regolaments cun rivuart a lis propuestis di deliberazion sometudis al Consei stes, o pûr par clariments o informazions tecnicis di procediment par chel che al inten a la sô competence; al reste salf in ogni câs il so dirit di fâ meti a verbâl il propi parê al rivuart.

2. Il Segretari al dirêç e al coordene, sot la sô responsabilitât, i procediments di redazion dal procès verbâl de sente e lu sotscriff insieme al Sindic.

3. Tal procès verbâl a àn di jessi metûts jù i tescj integrâi des deliberazions, des mozions, dai ordins dal dì e di ducj i documents in gjenar che a sedin stâts aprovâts dal Consei e cun di plui, ancje intune zonte di pueste, i ponts principâi de discussion o la trascrizion de regjistrazion su la curdele magnetiche.

4. Il regolament al stabilis lis modalitâts pe aprovazion dal verbâl e pal inseriment des retifichis tai câs demandâts dai conseîrs.

ART. 13 I CONSEÎRS COMUNÂI

1. Il stât juridic, lis dimissions e la sostituzion dai Conseîrs a son regolâts de Leç; lôr a rapresentin la comunitât interie.

2. I Conseîrs comunâi che no si presentin a lis sentadis dal Consei sei ordenariis sei straordenariis par trê voltis daurman, cence justificâ il motîf, a son declarâts discjadûts cun deliberazion dal Consei comunâl. A tâl rivuart, il Sindic, daspò di vê sancirât il fat de mancjance maduride de bande dal conseîr interessât, al proviôt, cun comunicazion scrite, seont l'art. 7 de Leç dal 7 di avost dal 1990 n.241, a comunicâi l'inviament dal procediment amministratîf.

3. Il conseîr al à la facultât di fâ valê lis causis justificativis des assencis e ancje a furnî al Sindic eventuai documents probatîfs, drenti il tiermin segnât te comunicazion scrite, che dut câs, no pues jessi mancûl di vincj dîs, a tacâ de date di riceviment. Scjadût chest ultin tiermin, il consei al esamine e daspò al delibere, tignût tal just cont lis causis justificativis presentadis de bande dal conseîr interessât in merit a la decjadence de cjarie.

ART. 14 DIRITS E DOVÊS DAI CONSEÎRS

1. Il regolament al dissipline il mût e lis formis di esercizi dal dirit di iniziative e di control dal consei comunâl.

2. Il conseîr elet a rapresentâ il comun daprûf un altri Ent o altri orghin difûr al varâ di fâ une relacion al Consei su la sô ativitât almancul une volte ad an. In câs ecezionai, il Consei comunâl al pues demandâ plui relations.

3. I conseîrs comunâi tes sentadis dal consei comunâl e des comissions a puedin esprimisi inte lenghe furlane. Cheste oportunitât e je stade delegade dal regolament tal rispiet des normis di Leç.

4. I Conseîrs a àn il dirit di presentâ interrogazions, interpelancis, mozions e propuestis di deliberazion.

5. Lis modalitâts e lis formis di esercizi dal dirit di iniziative e di control dai conseîrs comunâi a son disciplinâts dal regolament dal consei comunâl.

6. Ogni conseîr al è tignût a fissâ un domicili intal teritori comunâl, li che a vignaran recapitâts i avîs di convocazion dal consei e ogni altre comunicazion uficiâl, tal câs di mancjance di domicili chest si intint là de Sede municipâl.

ART. 15

DIRIT DI ACÈS DAI CONSEÏRS

1. I Conseïrs comunâi a àn il dirit di otignî dai uficis dal Comun, cussì pûr dai uficis pai controis internis, ancje des aziendis, istituzions o Ents dipendents, i documents e lis informazions che lôr a àn, utilis al davuelziment dal propi mandât. Lôr, intai limits e cu lis formis stabilidis dal regolament, a àn dirit di viodi i ats e i documents, ancje preparatîfs e di cognossi ogni at doprât ai fins de ativitât amministrative e a son tignûts al segret tai câs specificâts de Leç.

2. La competence a sodisfâ lis domandis di acès dai Conseïrs e je dade ai dirigjents o responsabii dai servizis interessâts o in lôr mancjance al Segretari comunâl e ancje a altris eventuâi sogjets responsabii in base a lis normis regolamentârs. Intal câs di mancjade rispueste ai ats di sindacât ispetîf i Conseïrs a puedin tornâle a esibî in forme scrite. Intal câs di gnove presentazion de richieste, al decori dal trentesim dì dopo la date di presentazion dal at di sindacât ispetîf si aplichin lis seguintis sanzions:

- a) in mancjance di justificade rispueste relative a la vision dai ats e documents: sanzion disciplinâr intune ramanzine verbâl o scrite pal plui une multe di un impuart fin a cuatri oris di paie;
- b) in mancjance di une justificade rispueste, relative a la consegne di copiis di ats e documents, la sanzion disciplinâr e va da une ramanzine verbâl o scrite o pûr intune multe cuntun impuart di vot oris di paie;
- c) mancjade e no justificade rispueste relative a informazions: la sanzion disciplinâr e sarà di une ramanzine verbâl o scrite o pûr intune multe di impuart pari a vot oris di paie;
- d) tal câs di particolâr gravitât des mancjancis previodudis tai precedents ponts a), b) e c) o di recidive intes stessis mancjancis che a vebin compuartât il massim de multe: suspension dal servizi cun privazion de paie fin a un massim di cinc dîs.

3. La determinazion dal impuart de sanzion si à rivuart:

- a) a la gravitât de violazion;
- b) a la intenzionalitât dal compuartament, al grât di negligjence;
- c) a la impuartance dai oblics violâts;
- d) a lis responsabilitâts leadis a la posizion di lavôr ocupade dal dipendent;
- e) al grât dal dan causât o dal mâl servizi vignût a jessi;
- f) a la presince di circostancis che a peiorin o che a morestin, cun particolâr rivuart al compuartament dal sogjet responsabil, ai siei precedents disciplinârs tai ultins doi agns;
- g) a la opare davuelte dal responsabil par morestâ lis consequencis de violazion.

4. Par chel che al inten la procedure e lis modalitâts pe aplicazion des sanzions si rimande a lis normis di Leç, al Contrat Coletîf in vore e a altris normis regolamentârs. Al reste dut câs salve la ordenarie aplicazion des normis disciplinârs seont lis normis e i Contrats Coletîfs in vore se a ricorin lis condizions e i motîfs par une aplicazion di sanzions plui gravis.

5. Intal câs che par inadempiment dal sogjet responsabil la domande di acès e sei restade insodisfate, al proviôt daurman il Segretari comunâl o pûr il Sindic.

ART. 16

GRUPS CONSILIÂRS

1. I Conseïrs a puedin dâsi dongje in grups.

2. I Conseïrs a son organizâts in grups seont lis disposizions dal regolament, che int stabilis e al determine lis modalitâts di funzionament e i mieçs a lôr destinâts pal exercizi des funzions.

3. A pene vignûts a cognossince de proclamazion, il Comun al proviodarà, midiant la proprie Segreterie comunâl, a invidâ ogni conseîr gnûf elet a pandi tal tiermin di dîs dîs a cuâl grup che al intint di apartignî e il nominatîf dal propi cjâf di grup.

4. In câs di mancjade segnalazion dai nominatîfs dai cjâfs di grup dentri i tiermins che si cjatin intal precedent come, la comunicazion des deliberazions indotadis de Zonte, previodude de Leç, e vignarà mandade al conseîr che tal propi grup di candidâts a la elezion al à otignût il numar individuâl di vôts plui alt.

5. I cambiaments sei te composizion dai grups conseârs, sei tai nominatîfs dai cjâfs di grup a àn di jessi comunicadis par scrit a la Segreterie comunâl.

ART. 17

COMISSIONS CONSILIÂRS

1. Il Consei comunâl, par un miôr davuelziment des propriis funzions, al pues istituî des comissions consiliârs permanentis e comissions speciâls temporaniis.

2. Lis Comissions consiliârs permanentis a àn funzions referentis cul fin di une plui aprofondide e specifiche tratazion dai afârs dal Consei, davuelzint par tant ativitâts consultivis, istrutoriis, di studi e di propueste al Consei stes.

3. Il Consei comunâl, tal meti sù lis comissions, al fisse lis respetivis competencis e il numar di ognidune di lôr.

4. I cjâfs di grup a costituissin la conference dai cjâfs di grup pressedude dal Sindic dal Comun. Cheste e à funziions consultivis dal Sindic sul ordin dai lavôrs dal Consei, su eventuâls cuistions relativis a la aplicazion dal regolament interni dal Consei comunâl e su ce che al pues jessi ritignût oportun in relazion ai afârs gjenerai dal Comun.

5. La conference dai cjâfs di grup e je sul stes plan des comissions consiliârs par chel che al inten l'atribuzion dai gjetons di presince che i spietin ai Conseîrs su la fonde des disposiziions di Leç che a son in vore.

6. Il regolament dal Consei comunâl al pues detâ altris normis pe discipline de costituzion, de composizion, dai podês, de organizazion e de publicitât dai lavôrs des comissions, che a àn di jessi purpûr constituidis cun criteri proporzionâl.

7. Des comissions consiliârs no puedin fâ part membris estranis al Consei comunâl.

8. La presidence des comissions cun funziions di control o di garanzie e je assegnade a di un component partignint a la oposizion.

ART. 18 COMISSIONS CONSULTIVIS

1. Il Comun al pues meti sù comissions consultivis no consiliârs cu la finalitât di furnî al Ent ogni element di cognossince o valutatif, che al sei util pe definizion des voris di fâ.

ART.19 ATIVITÂTS ISPETIVIS E COMISSIONS DI INDAGJIN

1. Il Sindic o i Assessôrs di lui delegâts a dan rispueste, dentri trente dîs, a lis interrogaziions e a ogni altre istance dal sindacât ispetif presentade dai Conseîrs.

2. Lis interrogaziions e lis istancis, che cul precedent come, a son, di regule, presentadis par iscrit; a podaran jessi presentadis ancje verbalmentri dilunc il davuelziment des sentadis consiliârs. In chest ultin câs il Sindic o i Assessôrs, se in grât, a podaran rispindi sul moment.

3. E je ametude la nomine di Comissions di indagjin su la ativitât de Aministrazion. Chestis a saran nomenadis di volte in volte dal Consei comunâl che al stabilirà l'ogjet precîs, lis finalitâts de indagjin e i tims di davuelziment. Te Comission al à di sei un rapresentant di ogni grup costituît intal Consei. Daspò finide l'indagjin, la Comission e presentará al Consei, par cjapâ at, une specifiche e minude relazion.

ART. 20 LA ZONTE COMUNÂL

1. La Zonte comunâl e je componude dal Sindic che le clame dongje e le rêç e di un numar di Assessôrs no mancûl di 4 e no plui di 6, tra chescj il Vice Sindic, ducj nomenâts dal Sindic.

2. A podaran jessi nomenâts Assessôrs comunai, al di fûr dal Vice Sindic, ancje citadins che no fasin part dal Consei comunâl, baste che a vebin i recuisîts par jessi candidâts, di jessi elets e compatibii cu la cjarie di Conseîr comunâl.

3. Il Sindic al fâs la comunicazion de nomine al Consei te prime sentade subit dopo de elezion o pûr te prime sentade daspò a la nomine tal câs di sostituzion di Assessôrs.

4. No puedin fâ part de Zonte il consuart, gjenitôrs, fis o parincj par leç fin al tierç grât dal Sindic. I stes no puedin jessi nomenâts rapresentants dal Comun.

5. Il Consei comunâl al procêt al aciertament de eleibilitât e de compatibilitât dai Assessôrs inte sentade li che il Sindic al da la comunicazion.

6. I citadins che no fasin part dal Consei elets a la cjarie di Assessôr comunâl a son, in ogni câs, comprendûts tal numar complessîf dai Assessôrs components la Zonte comunâl stabilît dal presint Statût.

7. I Assessôrs che no fasin part dal Consei a son paragonâts a ducj i efjets ai Assessôrs di estrazion consiliâr, cu la escluscion de funzion di sostituî il Sindic. Lôr a partecipin a lis sentadis dal Consei cu la facultât di cjapâ la peraule, ma cence drit di vôt.

8. A àn pûr facultât, a pâr di chei altris Assessôrs, di partecipâ ai lavôrs des comissions consiliârs, ma cence drit di vôt, e no puedin jessi nomenâts components des comissions stessis.

ART. 21 COMPETENCIS DE ZONTE

1. La Zonte e colabore cul Sindic inte Aministrazion dal Comun e e fâs ducj chei ats che a jentrin tes funziions dai Orghins di guvier, che no sedin riservâts al Consei e che no jentrin tes competencis atribuidis al Sindic, al Segretari, al Diretôr e ai responsabii dai servizis comunâi.

2. La Zonte e lavore in mût colegjâl, e da atuazion ai indreçaments gjenerâi indicât dal Consei e e davuelç une ativitât propositiva e di sburt tai confronts dal stes.

ART. 22 FUNZIONAMENT DE ZONTE

1. Lis sentadis di Zonte comunâl no son publichis e a son validis cu la presince de maiorange dai components, comprendût il Sindic.

2. La clamade e je dade dongje dal Sindic e no va sogjete a formalitâts particolârs, pûr che l'avîs al sedi stât mandât in timp a ducj i components cui mieçs adeguâts e compatibii cu lis circostancis.

3. L'ordin dal di al è butât jù dal Sindic.

4. I Assessôrs a concorin cun propiis propuestis e cul lôr vôt tal esercizi de potestât colegjâl de Zonte e a esercitin, par deleghe dal Sindic, lis funziions di soreintindî al funzionament dai servizis e dai uficis e tal disbratâ i ats.

5. Lis deliberazions a son metudis in at su propueste dal Sindic o di ognidun dai Assessôr e ogni propueste e à di sei compagnade dai parês e des atestazions domandadis de Leç. Il parê negatîf, esprimût dai sogjets competents a dâlu, nol impedîs l'adozion de delibare, ma al dispense i sogjets stes di cualsisei responsabilitât al rivuart.

6. Lis sentadis de Zonte a son presiedudis dal Sindic, che indi rêç e al coordene il davuelziment, sigurant une direzion politiche amministrative, ancje cun decisions colegjâls.

7. La Zonte e delibare a maiorange dai vôts.

8. Il Segretari dal Comun al partecipe a lis sentadis de Zonte e sot la sô responsabilitât al dirêç e al coordene i procediments tal meti jù il verbâl de sentade e che al ven di lui sotscrit parie al Sindic.

9. Il verbâl al consist inte racuete, in ordin di aprovazion, des deliberazions cjapadis sù, cu la indicazion par ognidune dai nominatîfs dai presints, dai vôts dâts a pro e cuintri la propueste e dai astignûts. In mancjance di chestis indicazions e des modalitâts di votazion e cole la validitât dal at, che si intint aprovât a l'unanimitât dai presints e tes formis prescritis. I components de Zonte a àn, in ogni câs, il dirit di fâ meti, a domande, tal test de deliberazion, lis lôr particolârs declarazions o lis motivazions dal vôt esprimût. Il Segretari al partecipe a la sentade cence il dirit di vôt, ma cu la facultât di fâ meti tal test de deliberazion lis sôs eventuâls declarazions dome par chel che al rivuarde lis cuistions leadis a la conformitât de azion amministrative seont a lis Leçs, al Statût e ai regolaments.

10. Il verbâl al pues contignî une prionte li che a vegnin in struc ripuartadis lis disposizions internis e lis decisions, cence delibaris, indotadis intal cors de sentade e che la Zonte e vebi disponût di fâ menzon tal verbâl stes.

ART. 23 IL SINDIC

1. Il Sindic al è l'orghin di guvier responsabil de Aministrazion dal Comun, Uficiâl di Guvier pes funziions di competence statâl, Autoritât locâl sanitarie, Autoritât locâl di Pubbliche Sigurece, Autoritât locâl di protezion civil.

2. Il Sindic, fale la competence riservade ai dirigjents e ai responsabii dai servizis, al disbrate dutis lis funziions atribuidis da lis Leçs, dal Statût e dai regolaments e al ten di voli ancje il davuelziment des funziions statâls e regionâls atribuidis o delegadis al Comun. Lui, cun di plui, al disbrate lis funziions che i vegnin atribuidis come autoritât locâl tes materiis previodudis di specifichis disposizions di Leç.

Il Sindic al à lis seguitivis atribuzions amministrativis:

2.a) al à la rapresentance gjenerâl dal Ent;

2.b) al dirêç, al coordene e al soreintint l'ativitât politiche amministrative dal Comun;

2.c) al nomene e al revoche i components de Zonte, dantint comunicazion al Consei Comunâl;

2.d) al coordene l'ativitât dai assessôrs, al pues sospendi l'adozion di ats specifics di nature amministrative dai assessôrs par sometiju al esam de Zonte;

2.e) al presente e al furnîs al Consei, par cont de Zonte, la relazion anuâl su la ativitât de Zonte stes, la relazion di prevision e programatiche che e compagne il bilanç, e la relazion zontade al rindicont de gjestion, previodude de Leç;

2.f) sul implant dai indreçaments stabilîts dal Consei, il Sindic al proviôt a la nomine, a la designazion e a la revoche dai rapresentants dal Comun li dai Ents, Aziendis e Istituzions; dutis lis nominis e lis designazions a àn di jessi fatis dentri i cuarantecinc dîs dal insediament, ven a stâi dentri i tiermins di scjadence dal precedent incaric.

- 2.g) al nomene il Segretari Comunâl, sielzintlu te liste di pueste preparade;
 - 2.h) al pues nomenâ il Diretôr Gjenerâl, midiant di une convenzion tra Comuns che ducj insieme a rivin a vê une popolazion di 15.000 abitants;
 - 2.i) al pues conferî al Segretari Comunâl, se lu riten oportun e in mancjance de convenzion sorecite, la funzion di Diretôr gjenerâl;
 - 2.l) al nomene i responsabii dai Ufiscis e dai Servizis, al assegne i incarics dirigenziâi e chei di colaborazion esterne, seont lis modalitâts e i criteris stabilîts de Leç, dal Statût e des normis regolamentârs in materie di Ordenament dai ufiscis e dai Servizis;
 - 2.m) al clame dongje i comizis pai referendums consultîfs;
 - 2.n) al concêt lis autorizacions e lis concessions te edilizie se propite nol à delegât un assessôr o il funzionari responsabil;
 - 2.o) al stabilis i oraris di viertidure al public dai ufiscis e dai servizis comunâi;
 - 2.p) al dâ fûr, come rapresentant de comunitât locâl, lis ordenancis di bisugne e urgentis in câs di emergjencis sanitariis e di igjen publiche a caratar esclusivementri locâl o lis misuris al moment necessariis sul teritori comunâl in câs di emergjencis sorecomunâi;
 - 2.q) al promôf e al stipule i acuardis di program seont di ce che e previôt la Leç;
 - 2.r) al fâs lis convenzions e al sotscrif lis obligacions che a impegnin il Comun, fale i contrats riservâts a la competence dai dirigjents o dai responsabii dai servizis;
 - 2.s) al firme i acuardis cui sogjets interessats al fin di stabilî il contignût discrezionâl dal proviodiment finâl de Aministrazion, seont lis disposizions dal art. 11 de Leç 7/8/1990, n 241, par chel che al inten la partecipazion dai citadins tai procediments aministratîfs.
 - 2.t) al rapresente il Comun in judizi, sei come ator sei come convignût; al promôf denant de autoritât judiziarie i proviodiments cautelatîfs e lis azions di possès, dantint in seguit comunicazion a la Zonte;
 - 2.u) al distriche i ats conservatîfs dai dirits dal Comun, intal câs che no jentri inte sfere gjestionâl riservade ai dirigjents o responsabii dai servizis.
3. Il Sindic al à lis seguitivis atribuzions di organizazion:
- 3.a) al predispon l'ordin dal di, al dispon la convocazion dal Consei Comunâl e lu presiêt;
 - 3.b) al clame dongje e al presiêt la conference dai cjâfs di grup consiliâr;
 - 3.c) al propon i argomenti di tratâ, al dispon la convocazion de Zonte comunâl e le pressêt;
 - 3.d) al à il podê di deleghe gjenerâl o parziâl des sôs competencis e atribuzions a un o plui Assessôrs. Intal câs di deleghe ai conseîrs comunâi no nomenâts assessôrs, cheste e à di vê dome relevance interne.
 - 3.e) al à il podê di deleghe pe firme di particolârs ats al Segretari comunâl, o ai dirigjents o responsabii dai servizis.
4. Al Sindic a son tribuidis la soreintidence al funzionament dai servizis e dai ufiscis comunâi e a la esecuzion dai ats; lui al è ancje orghin di vigilance. Tal esercizi di chestis funzions lui:
- 4.a) al promôf e al cjape sù iniziativis che a garantissin che i ufiscis e i servizis a davuelzin la lôr ativitât pe realizazion dai programs e dai obietîfs dal Ent, seont i indreçaments indicâts dal Consei e in coerence cu lis indicazioni buridis fûr de Zonte, restant fers i compits di gjestion aministrative che i spietin par leç ai dirigjents o responsabii dai servizis o a lôr tribuîts dal presint Statût;
 - 4. b) al dâ disposizion al Segretari comunâl e/o al Diretôr gjenerâl particolârs diretivis in ordin a la organizazion e al funzionament dai servizis peâts a lis ativitâts dai orghins istituzionâi dal Comun, ancje pal miôr coordinament des ativitâts dai dirigjents o responsabii dai servizis.
 - 4.c) al cjape sù in mût diret i ats, documents o informazions, ancje di caratar riservât, li dai ufiscis e servizis, visantint i relatîfs dirigjents o responsabii dai servizis, ancje al fin di verificâ e controlâ la posizion e lis modalitâts di atuazion dai programs e dai progjets dal Ent;
 - 4.d) al cjape sù informazions, ats e documents li des aziendis speciâls, lis istituzions e lis societâts par azions partecipadis;
 - 4.e) al promôf diretementi, o mediant il Segretari Comunâl, scandais e verificchis aministrativis su dute la ativitât dal Comun.
5. Il Sindic, in cualitât di uficiâl dal guvier, al esercite lis funzions tai servizis di competence statâl seont lis modalitâts stabilidis des Leçs e dai regolaments.
6. Il Sindic al fâs, denant dal Consei, te sentade di insediament, il zurament e, se al vûl, ancje in lenghe furlane, di osservâ lealmentri la Costituzion Taliane.

ART. 24 IL VICE SINDIC

1. Il Vice Sindic al è l'Assessôr che al ven designât dal Sindic pal esercizi des funzions vicjariis: lui di fat al sostituîs il Sindic in câs di assence o di pidiment temporani e ancje intai altris câs proviodûts de Leç.
2. In câs di assence o pidiment intal stes timp dal Sindic e dal Vice Sindic lis funzions sostitutivis dal Sindic a son davueltis di un altri Assessôr delegât dal Sindic.

ART. 25 LIS DELEGHIS

1. Il Sindic, intal cercin des propriis competencis, al pues assegnâ cuntun so at, ai sengui Assessôrs, comprendût il Vice Sindic, funzions ordenadis organicementri par grups di materiis, cun deleghe a firmâ i ats di ordinarie aministrazion relatîfs a lis funzions istrutoriis e esecutivis a lôr assegnadis, restant tes competencis dal Sindic i ats di straordinarie aministrazion.

2. Lis deleghis a conferissin ai Assessôrs, inte sfere de lôr assegnazion e pes materiis contempladis, lis stessis competencis originariis dal Sindic, comprendûts i podês di indreçament e control su la ativitât dai uficis e servizis che a operin intai setôrs rivuardant lis materiis delegadis, cun escluson di cualsisei supremazie o compartecipazion inte direzion e gjestion des struturis dal Ent, funzions che a restin di esclusive competence dai dirigjents o responsabii dai servizis.

3. Lis deleghis si puedin simpri modificâ o revocâ.

4. De atribuzion des deleghis e des lôr eventuâls modifichis o revochis e ven dade comunicazion al Consei Comunâl te prime adunance seguitive a la emission dal relatîf decret.

5. I Assessôrs a preparin la relazion a la Zonte e al Consei su lis propuestis di deliberazion che a integnin lis materiis a lôr delegadis e a partecipin a lis comissions consiliârs, daûr domande, pe tratazion dai argoments di proprie competence;

6. Il Sindic, oltri a lis deleghis di caratar gjenerâl che si cjatin intai comis precedents, al pues, cuntun at fat di pueste, delegâ ai diviers Assessôrs l'adozion e la sottoscrizion di ats o proviodiments particolârs di rilevanza esterne; in vie ecezionâl e pai câs di urgjence, cheste facultât e pues jessi slargjade ancje al Segretari e ai dirigjents o ai responsabii dai servizis, pai ats che za no jentrin tes competencis a lôr atribuidis de Leç o dal regolament.

ART. 26 CESSAZION

1. In câs di dimissions, impediment permanent, rimozion, decjadence o muart dal Sindic, la Zonte e cole e cussi ancje il Consei al ven a cessâ. Il Consei e la Zonte a restin in cariche fin a la elezion dal gnûf Consei e dal gnûf Sindic. Fin a chestis elezions, lis funzions dal Sindic a son davueltis dal Vice Sindic.

2. tal aciertament des causis di impediment permanent dal Sindic a proviodin insieme il Segretari Comunâl e il Vice Sindic, che a dan comunicazion al Consei dentri i trente dîs dal verificâsi dal impediment.

3. Il Consei si pronuncie in sentade publiche, fat salf une divierse determinazion, ancje su domande dal Vce Sindic, dentri dîs dîs de comunicazion dal impediment permanent dal Sindic.

4. Il dissolziment dal Consei Comunâl al determine, in ogni câs, la decjadence dal Sindic e ancje de Zonte.

ART. 27 MOZION DI SFIDUCIE

1. Il vôt dal Consei comunâl contrari a une propueste dal Sindic o de Zonte nol compuarte lis dimissions dai stes.

2. Il Sindic e la Zonte a cessin de cjarie in câs di aprovazion di une mozion di sfiducie votade par clamade nominâl de maiorance assolude dai components dal Consei.

3. La mozion di sfiducie e à di jessi motivade e sottoscrite di almancul doi cuints dai Conseîrs assegnâts e e ven metude in discussion no prime di dîs dîs e no oltri trente dîs de sô presentazion.

4. Tal câs che nol vegni osservât l'oblic di convocazion dal Consei par discuti la mozion di sfiducie, il Segretari comunâl al riferis al Assessôr Regionâl par che al proviodi a la convocazion intai mûts e tai tiermins stabilîts de normative regionâl.

5. Se la mozion e ven aprovade, si procêt al dissolziment dal Consei e a la nomine di un commissari seont des Leçs in vore.

TITUL III

STRUTTURE ORGANIZATIVE E PERSONÂL

CJÂF 1

LA ORGANIZAZION

ART. 28 PRINCIPIIS STRUTURÂI E ORGANIZATÎFS

1. La gjestion dal Comun e ven davuelte par cjapâ i obietîfs stabilîts de Aministrazion e e à di jessi improntade ai seguitîfs principis:

- a) semplificazion e armonizazion dal sisteme regolamentâr dal Comun;
- b) contigniment, ricualificazion e control de spese dal personâl;
- c) superament de separazion rigjide des competencis te division dal lavôr, cirint la massime flessibilitât des struturis e dal personâl e de massime colaborazion tra uficis e doprâ ad in plen lis potenzialitâts dal personâl;
- d) il disvilup di sistemis di monitorament tecnics e politics;
- e) partecipazion e trasparenza;
- f) finalitât e progjetualitât de ativitât;
- g) decentrament centris decisionâi operatîfs e di consequence individuâ lis responsabilitâts riuart al adempiment dai fins de azion amministrative;
- h) introduzion te organizazion di sistemis e tecnologiis za indenant.

ART. 29 DEFINIZION

1. La organizazion dal Comun a je costituide de struture organizzative e dai mecanisims operatîfs. La struture organizzative e je formade des unitâts organizativis che a realizin l'ativitât di competence dal Ent. I mecanisims operatîfs a son costituîts di duç j i procès, dai struments e des regulis che a guviernin il funzionament de struture organizzative.

ART. 30 ORGANIZAZION DE STRUTURE E DAL PERSONÂL

1. Il Comun al ordene cun ats di pueste la dotazion organiche dal personâl e, in conformitât a lis normis dal presint Statût, la organizazion de struture organizzative su la fonde de distinzion tra funzion politiche e di control tribuide al Consei Comunâl, al Sindic e a la Zonte e ancje funzion di gjestion amministrative tribuide al Diretôr Gjenerâl e ai Responsabii.

2. La struture organizzative e je inmaneade secont i principis di autonomie, trasparenza e eficiencie cun criteris di funzionalitât, economicitât di gjestion e flessibilitât de struture.

Lis unitâts organizativis a operin su la fonde de individuazion des esigjencis dai citadins, vuaiant costantementri la proprie azion amministrative e i servizis proferîts, verificantint che a rispuindin a lis dibisugnis e a la economicitât.

I oraris dai servizis vierts al public a vegnin fissâts par sodisfâ miôr lis esigjencis dai citadins cence prejudicâ la funzionalitât dal lavôr di ufici.

ART. 31 REGOLAMENTS DI ORGANIZAZION

1. Il Comun mediant di un o plui regolaments al stabilîs l'asset pe organizazion e il funzionament de proprie strutture organizzative e, in particolar, lis atribuzions e lis responsabilitâts. I regolaments si uniformin ai principis dal presint Statût.

2. Al Diretôr e ai Responsabii, seont la proprie posizion, i spiète, al fin di esercitâ in plen i obietîfs assegnâts, il complit di definî, intal rispiet dai fins istituzionâi, i obietîfs operatîfs, la gjestion e la ativitât amministrative, tecniche e contabil seont i principis di professionalitât e responsabilitât.

3. Il Comun al met in vore i acuardis di compart unic regionâl e locâl aprovâts tes formis di Leç e al tutele la libare organizazion sindacâl dai dipendents, stipulânt cu lis rapresentancis sindacâls i acuardis coletîfs decentrâts seont lis normis di Leç e contratuâls in vore.

ART. 32 DIRITS E DOVÊS DAI DIPENDENTS

1. I dipendents comunâi, incuadrâts in organic e ordenâts seont l'ordenament professionâl in conformitât a la discipline gjenerâl sul stât juridic e il tratament economic dal personâl stabilît de Leç e dai acuardis di compart unic regionâl e locâl, a davuelzin la proprie ativitât al servizi e interès dai citadins su la fonde dai programs stabilîts de Amministrazion.

Ogni dipendent comunâl al è tignût a adempî cun coretece e prontece i incarics di competence e, tal rispiet des competencis de rispetteve professionalitât, a realizâ i obietîfs assegnâts. Lui al è ancje diretementi responsabil viers il Diretôr, il propi Responsabil e l'Amministrazion de sô vore e dai risultâts otignûts intal esercizi des propriis funzions.

CJÂF II

IL PERSONÂL DIRETÎF

ART. 33 DIRETÔR GJENERÂL

1. Il Comun al pues meti a cjâf un Diretôr Gjenerâl che al proviodi a meti in vore lis i indreçaments e i obietîfs stabilîts dai orghins di guvier dal Ent, seont lis diretivis dadis dal Sindic e che al soreste a la gjestion dal Ent, cirint di rivâ ai nivei bogns di eficacie e di rindiment.

2. Il Sindic, in atuazion di ce al è disponût al come di prime, par vie di delibare de Zonte Comunâl, al pues dâ lis relativis funzions al Segretari comunâl, o ancje a di un altri sogjet adat, al di fûr de plante organiche e cun contrat a timp determinât, seont i criteris stabilîts dal Regolament di organizazion dai uficis e dai servizis midiant di une stipule di convenzion cun altris Comuns indulà che la popolazion, zontade chê di Cjampfuarmit, e rivi a 15.000 abitants.

3. Il Diretôr Gjenerâl al reste in cariche pe durade dal mandât dal Sindic, fat salf di revoche mediant la delibare de Zonte Comunâl. Dongje ai compits assegnâts de Leç, al parten al Diretôr Gjenerâl il davuelziment des funzions di sburt e di control su lis ativitâts necessariis a la realizazion dal program di guvier e di coordinament de ativitât des figuris altis cun funzions di dirigence.

ART. 34 RESPONSABII

1. I responsabii di unitât organizzative a son individuâts cu lis modalitâts detadis dal regolament di organizazion dai uficis e dai servizis.

Lôr a proviodin, seont la proprie colocazion, ai ats di gjestion de ativitât dal Ent pe atuazion des direzions e dai obietîfs definîts intai documents programatics de Amministrazion, organizzant, in tâl sens e a la finalitât, lis struturis a lôr assegnadis seont lis diretivis ordenadis dal Sindic e de Zonte comunâl mediant il Segretari comunâl, o il diretôr se nomenât, che a rispuidin diretementi dal lôr operât e dal risultât otignût

ART. 35 INCARICS

1. Il Sindic, sintude la Zonte comunâl, intes formis, cui limits e lis modalitâts previodudis de Leç e dal Regolament di organizazion, al pues stabilî al di fûr de dotazion organiche la assunzion cun contrat a timp definît di personâl dirigjenziâl o di alte specializazion intal câs che tra i dipendents dal Ent no sedin presints avuâls professionalitâts. I contrats a timp definît no puedin vê une durade superiôr al mandât dal Sindic.

ART. 36 COLABORAZIONS DI DIFÛR

1. Il Regolament al pues previodi des colaborazions di difûr cun cualitât di alte professionalitât e cun rapuart di lavôr autonom par obietîfs determinâts e cun convenzions a tiermin. Lis normis regolamentârs pal conferiment dai incarics di colaborazion a sogjets stranis a l'Aministrazion a àn di stabilî la durade, che no podarà jessi plui lungje de durade dal program, cun criteris pe determinazion dal relatîf tratament economic.

ART. 37 SEGRETARI COMUNÂL

1. Il Comun al à un Segretari Comunâl titolâr, che il "status" juridic e economic al ven disciplinât de Leç e dal contrat coletîf dal compart.

Il Segretari al dipent, par vie de funzion, dal Sindic.

La nomine, la conferme e la revoche dal Segretari comunâl a son disciplinadis de Leç.

2. Il Segretari Comunâl:

- a) al davuelç compits di colaborazion e funzion di assistance juridiche amministrative intai confronts dai orghins dal Ent, in ordin a la conformitât de azion amministrative a lis Leçs, al Statût e ai regolaments;
- b) al soreintint il davuelziment des funzions dai responsabii dai servizis e al coordene la ativitât, fat salf cuant che il Sindic al vedi nomenât il diretôr gjenerâl;
- c) al partecipe cun funzions consultivis, referentis e di assistance a lis riunions dal Consei e de Zonte, curantint la verbalizazion;
- d) al pues domandâ ducj i contrats li che l'Ent al è part e autenticâ scrituris privadis e ats unilaterâi intal interès dal Ent;
- e) al esercite ogni altre funzion tribuide dal Statût o dai regolaments o pûr delegate dal Sindic.

ART. 38 VICE SEGRETARI

1. Il Regolament di organizazion dai uficis e dai servizis al pues previodi l'instituzion dal Vice Segretari, individuade dal Sindic tra i dipendents in buine posizion professionâl e in possès di diplome di Laure valit par jentrâ te cariere di Segretaris Comunâi.

Il Vice Segretari, oltri a lis atribuzions propriis al jude il Segretari Gjenerâl intal esercizi des sôs funzions e lu sostituìs in câs di assence, di impediment o di deleghe.

TITUL IV

PARTECIPAZION POPOLÂR

ART. 39 LIBARIS FORMIS ASSOCIATIVIS

1. Il Comun al ricognòs e al promôf il valôr des libaris formis di associazion dai citadins e al viôt inte citadinance ative un impuartant strument, par meti intal mieç de vite de comunitât locâl l'atenzion ai dibisugns dai citadins, par favorî la promozion umane e slargjâ l'efiet de democrazie.

2. La partecipazion dai citadins mediant lis lôr libaris associazions a cjapin impuartance in relacion a la lôr efetive rappresentativitât di interès gjenerâi e slargjâts e a la lôr organizazion, seont il principi de sussidiarietât.

3. Il Comun si impegne a tignî cont dai contribûts des libaris associazions, midiant la scolte di parès e di propuestis pe soluzion di cuestions che a interessin i propis cjamps di ativitât e a proviodi a la lôr consultazion su lis sengulis materiis.

4. La Aministrazion comunâl e garantis la libertât e la autonomie di dutis lis libaris Associazions.

ART. 40 VOLONTARIÂT

1. Il Comun al ricognòs il valôr sociâl e la funzion des ativitâts di volontariât come espression di partecipazion, solidarietât e pluralisim sociâl, promovint il disvilup tal rispiet de autonomie e favorint il contribût originâl par rivâ a un bon risultât de proprie finalitât di caratar sociâl, civîl e culturâl.

2. Par ativitât di volontariât si intint chê opare dade in mût personâl, spontani e gratuit, cence fins di vuadagn, esclusivementri par fins di solidarietât.

3. Il Comun al pues stipulâ convenzions cu lis organizacions di volontariât che a dimostrin capacitât operative in relacion al servizi domandât. Lis convenzions a devin contignî disposizions diretis a garantî l'esistence des condizions necessaris a davuelzi cun continuitât lis ativitâts in ogjet de convenzion e ancje il rispiet dai dirits e de dignitât dai utents. Tâls convenzions a podaran proviodi, de bande dal Comun contribûts di nature finanziarie patrimoniâl, tecnic-professionâl e organizative.

ART. 41 INTERVENTS INTAL PROCEDIMENT AMINISTRATÎF

1. Fats salfs i câs li che la partecipazion al procediment e je dissiplinade de Leç, il Comun al è tignût a fâ savê ai interessâts cuant che si invie il procediment dal proviodiment finâl che al è destinât a produci efietis direts e a di chei che a àn di intervignî, cussì come stabilît di pueste intal regolament comunâl.

2. Chei che a son puartadôrs di interès publics o privâts e lis associazions che a àn interès pandûts a àn la facultât di intervignî intal procediment, cuant che al pues derivâ un pregiudizi dal proviodiment.

3. I sogjets cui comis precedents a àn dirit di cjapâ vision dai ats dal procediment e di presentâ memoriis e documents, che la Aministrazion e je obleade a esaminâ, cuant che a son pertinents cul ogjet dal procediment.

4. Il Comun e i Ents e aziendis dipendentis a àn di dâ notizie dal inviament dal procediment mediant comunicazion personâl li che a àn di jessi indicâts:

- a) l'ufici e il funzionari responsabil dal procediment;
- b) l'ogjet dal procediment;
- c) lis modalitâts che si pues vê notizie dal procediment e cjapâ vision dai ats.

5. Se pal numar dai destinatariis, la comunicazion no sedi pussibil o e risulti particolarmentri gravose, la Aministrazion e proviôt a puartâ a cognossince i elements che si cjatin a lis letaris a) b) e c) dal precedent come, mediant lis miôr formis di publicitât, che di volte in volte a vegnin stabilidis.

ART. 42 DIRIT DI ACÈS

1. Volint sigurâ la miôr trasparenze pussibile de ativitât aministrative e di favorî il davuelziment imparziâl, un regolament di pueste al dissipline l'acès a la documentazion aministrative intal rispiet des normis in vigôr.

2. Il dirit di acès si esercite cjapant vision e lassant copiis dai ats e dai documents aministratîfs seont lis modalitâts stabilidis dal regolament stes.

3. Ducj i ats dal Comun a son publics, al di fûr di chei riservâts par clare disposizion di Leç o par efiet di une temporanie e motivate declarazion dal Sindic che al proibìs l'esibizion, cuant che la lôr difusion a puedi pregiudicâ il dirit a la riservatece des personis, di Ents o di impresis o che al sedi di pregiudizi ai interès dal Comun.

ART. 43 INFORMAZION E PUBLICITÂT

1. Al fin di interessâ il citadin des propriis sieltis e decisions, il Comun al doprarà i mieçs e lis tecnologjiis di comunicazion ritignudis plui adatis par sigurâ la difusion des informazions che a rivedin i ats e lis notiziis di caratar gjenerâl e dai principâi ats adotâts, in mût che a diventin patrimoni comun.

2. Intal palaç comunâl al è un spazi di pueste destinât al "Cuadri Pretori" pe publicazion dai ats e dai avîs previodûts de Leç, dal Statût e dai regolaments e di chei che i orghins dal Comun a intindin puartâ a cognossince de citadinance, metint fûr lis notiziis dai ats plui impuartants tes frazions.

3. La publicazion e à di garantî l'acès, l'integralitât e la facilitât di leture.

4. Il Segretari Comunâl o il Responsabil dal Servizi competent a curin mediant i dipendents incaricâts la vore di meti fûr i ats tratâts intal prin come.

ART. 44 ASSEMBLEIS E RIUNIONS

1. Il dirit di promovi riunions e assembleis, in plene libertât e autonomie, e aparten a ducj i citadins, grups e organisims sociâi pal libar davuelziment in formis democratichis des ativitâts politichis, sociâls, sportivis e ricreativis.

2. L'Aministrazion Comunâl e facilite l'esercizi, metint a disposizion di ducj i citadins, grups e organisims sociâi che a'nt fasin domande, lis propriis struturis. Il regolament al dissipline la richieste, lis condizions e l'ûs des struturis Comunâl a lis finalitâts individuadis.

ART. 45 CONSULTAZIONS

1. Il Comun al ricognòs, come impuartants struments di partecipazion, consultazions publichis che a àn il fin di miorâ la comunicazion e la vicendevule informazion tra popolazion e aministrazion in ordin a fats, afârs e iniziativis di interès gjenerâl.

2. A lis consultazions publichis a partecipin i citadins e i rapresentants de Aministrazion comunâl responsabii des materiis di discuti. E a son clamadis dongje dal Sindic, sintude la Zonte, seont lis modalitâts di volte in volte ritignudis plui adatis. Te convocazion e sarà fate menzon dai cantins e problemis di discuti.

3. Lis consultazions publichis a son pressedudis dal Sindic o de persone di lui delegade.

ART. 46 ISTANCIS

1. I citadins, lis associazions e i sogjets coletîfs in gjenar a puedin rivolzi al Sindic interogazions par domandâ sciariments su specifics aspiets des voris de Aministrazion.

2. Lis modalitâts de interogazion e ancje la procedure, i timps e lis formis de rispueste a son dissiplinâts dal regolament di partecipazion.

ART. 47 PETIZIONS

1. Ducj i citadins a puedin rivolzisi, in forme coletive, ai orghins de Aministrazion par sburtâ l'intervent sun cuestions di interès gjenerâl, o par esponi problemis di necessitâts e interès comuns.

2. La petizion e à di jessi indreçade al Sindic, che le trasmet al orghin competent pal esam e la determinazion dal providiment conclusîf, che al à di jessi motivât cun clarece e di chest e à di sei garantide la comunicazion al sogjet proponint.

3. Il regolament su la partecipazion al dissipline i criteris di assegnazion des propuestis al orghin competent e ancje lis proceduris e i timps pal esam e la determinazion dal eventuâl providiment conclusîf.

ART. 48 PROPUESTIS

1. Di propie iniziative i citadins a puedin puartâ indenant propuestis pe adozion di ats o providiments aministratîfs di interès gjenerâl.

2. La propueste e à di jessi presentade al Sindic, che le trasmet, pal esam e pe eventuâl emission dal at definitîf, al orghin competent, furnide dal parê dai responsabii dai servizis interessats, ancje de atestazion relative a la cuvierture finanziarie tal câs che e sei necessarie.

3. La propueste e à di jessi sotscribe cu la firme autenticade tes formis di Leç, di almancul 150 eletôrs iscrits tes listis dal Comun a la date dal prin di zenâr dal an che a ven presentade.

4. No puedin jessi ogjet di propuestis lis materiis inerentis:

4.a.) la revision dal Statût dal Comun e di chei des aziendis o consorzis che il Comun al partecipe;

4.b.) la dissipline dal stât juridic e des assunzions dal personâl e relativis variazioms;

4.c.) i plans teritoriâi e urbanistics, i plans pe lôr atuazion e relativis variazioms;

4.d.) i tribûts locâi, tarifis dai servizis e altris imposizioms;

4.e.) la designazion e la nomine dai rapresentants;

4.f.) la formazion e la modifiche dai regolaments pal funzionament dal Consei comunâl e di contabilitât;

4.g.) lis ativitâts aministrativis vincoladis di Leç statâls o regionâls.

5. Il regolament su la partecipazion al dissipline i criteris di assegnazion des propuestis al orghin competent, ancje lis proceduris e i timps pal esam e la determinazion dal eventuâl providiment conclusîf.

ART. 49 REFERENDUM

1. A son previodûts referendums consultîfs in materie di esclusive competence locâl par sburtâ a manifestâ volontâts che a àn di cjatâ sintesi te azion aministrative.

2. I referendums consultîfs a son disponûts dal Sindic su domande deliberade dal Consei comunâl, cuant che si trate di materie di sô competence, che al impastane il test di someti ai eletôrs. La deliberazion e à di jessi cjadade sù cun vôt favorevul de maiorange dai conseîrs assegnâts. Il Sindic, vignude esecutive la deliberazion, al da cors a lis proceduris providudis dal regolament.

3. I referendums consultîfs a son in mò disponûts dal Sindic su richieste presentade, cun firmis autenticadis tes formis di Leç, di almancul il 10 par cent dai eletôrs iscrits intal Comun a la date dal prin di zenâr dal an che e ven presentade la domande. La richieste e à di contignî il test di sotponi ai eletôrs e e ven presentade al Sindic.

4. A vegnin lassâts fûr i referendums che a riuardin:

4.a.) lis revisions dal Statût dal Comun e di chei des aziendis o consorzis che il Comun al partecipe;

4.b.) la dissipline dal stât juridic e des assunzions dal personâl, plantis organichis dal personâl e relativis variazioms;

4.c.) i tribûts locâi, lis tarifis dai servizis e altris imposizioms;

4.d.) la designazion e nomine dai rapresentants;

4.e.) la formazion e la modifiche dai regolaments pal funzionament dal Consei comunâl e di contabilitât;

4.f.) lis ativitâts di aministrazion vincoladis des Leç statâls o regionâls.

5. No puedin jessi disponûts referendums su materiis che a son za stadis ogjet di consultazion referendarie intai ultins trê agns.

6. No puedin pûr jessi disponûts referendums sîs mês prime de scjadince dal Consei comunâl e dentri i sîs mês de elezion dal Sindic.

7. Il cuesît referendari, unic, al varà di jessi curt e clâr par consintî la massime comprension.

8. Il cuesît sometût a Referendum al è declarât acolt intal câs che al vedi otignût il vôt favorevul de maiorance dai partecipants al vôt, a condizion che i vôts atribuîts a la rispueste afermative no sedin di mancul dal 40% dai eletôrs che a àn dirit di partecipâ a la votazion, se no al è declarât refudât.

9. Denti i sessante dîs de proclamazion dal esit favorevul dal Referendum, la Zonte comunâl e je tignude a deliberâ in merit, ven a stâi a proponi al Consei comunâl un proviodiment, vint par ogjet il cuesît sometût a referendum cuant che la materie e sedi di competence consiliâr.

10. Il regolament su la partecipazion al stabilis: i requisîts di amissibilitât, i timps, lis condizions di acet e lis modalitâts organizativis de consultazion e ancje i câs di revoche.

TITUL V

FUNZION NORMATIVE

ART. 50 STATÛT

1. Il Statût, tal cercin dai principis stabilîts de Leç, al conten lis normis fundamentâls dal ordenament comunâl. Al stes a àn di adatâsi ducj i ats normatîfs dal Comun.

ART. 51 REGOLAMENTS

1. Il Comun al à il podê di regolamentâ in ordin a la discipline de organizazion e dal davuelziment des funzions che i vegnin atribuidis.

2. La iniziative dai regolaments i spiete al Sindic, a la Zonte comunâl e a ogni Conseîr

3. Inte formazion dai regolaments, a puedin jessi consultâts i sogjets interessâts.

4. I regolaments a deventin efetîfs de date di esecutivât de deliberazion che a son stâts aprovâts, a ecezion di chei che la stesse deliberazion o specifichis disposizions di leç a previodin tiermins diferents. I regolaments a àn di jessi in ogni cås sometûts a formis di publicitât par agevolâ la efetive cognossince. E a àn di jessi a disposizion di cualsisei che al intindi consultâju.

TITUL VI

FORMIS DI GJESTION DAI SERVIZIS E DI COLABORAZION

ART. 52 FORMIS DI GJESTION DAI SERVIZIS PUBLICS LOCÂI

1. Il Consei Comunâl al pues deliberâ la istituzion e l'esercizi dai publics servizis seont ce che al è previodût de normative in vigôr.

2. Il Comun al pues ancje inviulâ e partecipâ, ancje indiretementi, a ativitâts economicis in linie cui siei fins istituzionâi valintsi dai principis e dai struments di dirit comun.

ART. 53 GJESTION IN ECONOMIE

1. Il Comun al gjestis in economie i servizis che no àn relevance economiche che pes lôr modestis dimensions o pes lôr caracteristichis nol convegni dâ in man a une istituzion o a une aziende speciâl.

2. L'organizazion e l'esercizi dai servizis in economie a son, di norme, dissiplinâts di regolaments di pueste.

ART. 54 AZIENDE SPECIÂL

1. Il Consei Comunâl, tal rispiet des normis di Leç e statutariis, al delibare i ats costitutîfs di Aziendis speciâls pe gjestion di servizis publics comunâi.

2. La Aziende speciâl e je Ent strumentâl dal Comun, indotât di personalitât juridiche, di autonomie imprenditoriâl e di un propi Statût aprovât dal Consei comunâl.

3. A son orghins de Aziende il Consei di amministrazion, il President e il diretôr.

4. Il President e il Consei di Amministrazion, li che il numar al è stabilît dal statût aziendâl, a son nomenâts seont lis modalitâts di Leç. No puedin jessi elets a chestis carichis chei che a àn tal Comun lis incarghis di Conseîrs comunâls o di Revisôrs dai conts, cun di plui no puedin jessi elets a lis citadis incarghis i dipendents dal Comun o di altris aziendis speciâls comunâls.

5. Il President e il Consei di Amministrazion a son revocâts intai câs previodûts de deliberazion dal Consei comunâl, li che a son stâts definîts i indreçaments di nomine. La revoche e ven sun propueste motivade dal Sindic e e à di jessi compagnade de contestuâl designazion dai gnûfs aministradôrs.

6. Il Diretôr al è l'orghin che i compet la direzion de gjestion de Aziende cu lis consequentis responsabilitâts. Al è nomenât dal Consei di Amministrazion, su propueste dal Sindic, cu lis modalitâts previodudis dal regolament interni.

7. L'ordenament e il funzionament de Aziende speciâl a son ordenâts, intal cercin de leç, dal propi statût e dal regolament interni. Il regolament interni al è aprovât dal Consei di amministrazion de Aziende. Lis aziendis a fondin la lôr ativitât su criteris di eficacitât, efience e economicitât, a àn l'oblic di meti a pâr il bilanç, mediant l'ecuilibri dai coscj e dai rigjâfs comprendûts i trasferiments.

8. Il Comun al da il capitâl in dotazion; il Consei Comunâl al stabilis lis finalitâts e la direzion, al approve i ats fundamentâi, al verifiches i risultâts de gjestion e al proviôt a la cuvierture di eventuâi coscj sociâi.

9. Il Statût de Aziende speciâl al proviôt un orghin di pueste pe revision dai conts e formis di verifiches autonome de gjestion e certificazion di bilanç.

ART. 55 ISTITUZION

1. Pal esercizi di servizis sociâi, culturâi e educatîfs cence rilevanze economiche, il Consei Comunâl al pues meti adun istituzions, organisims strumentâi dal Comun, dotâts di autonomie juridiche e gjestionâl, mediant un at di pueste che al contegni il relatîf regolament de organizazion e de ativitât de istituzion.

2. A son orghins de istituzion il Consei di amministrazion, il President e il Diretôr. Il numar dai components dal Consei di Amministrazion al è stabilît intal regolament.

3. Il President e il Consei di Amministrazion a son nomenâts seont lis modalitâts previodudis de Leç. No puedin jessi elets a cheste cariche chei che a cuvierzin intal Comun lis carichis di Conseîr Comunâl o di Revisôr dai conts. Cussì pûr i dipendents dal Comun o di altris Aziendis speciâls comunâls o ancje altris istituzions comunâls.

4. Il President e il Consei di Amministrazion a son revocâts intai câs previodûts de deliberazion dal Consei Comunâl che a son stâts definîts i indreçaments di nomine. La revoche e ven su proposte motivade dal Sindic e e à di jessi compagnade de contestuâl designazion dai gnûfs amistradôrs.

5. Il Diretôr de istituzion al è l'orghin che i compet la direzion gjestionâl de istituzion, cu la conseguente responsabilitât. Al è nomenât su proposte dal Sindic dal Consei di Amministrazion cu lis modalitâts previodudis dal regolament interni.

6. L'ordenament e il funzionament des istituzions al è stabilît dal presint Statût e dal regolament. Lis istituzions a àn par finalitât, inte lôr ativitât, criteris di eficacitât, eficiencia e economicitât.

7. Il Consei Comunâl al stabilîs i mieçs finanziariis e lis structuris assegnadis a lis istituzions; stabilint pûr lis finalitâts e lis direzions; al aprobe i ats fundamentâi; al vuardie e al verifiches i risultâts de gjestion; al proviôt a la cuvierture dai eventuâi coscj sociâi.

8 Il Coleç dai revisôrs dai conts dal Ent locâl al esercite lis sôs funzions ancje intai confronts des istituzions.

ART. 56 SOCETÂTS PAR AZIONS O A RESPONSABILITÂT LIMITADE

1. Il Consei Comunâl al pues aprovâ la partecipazion dal Ent a societâts par azions o a responsabilitât limitade, eventualmentri proviodint ancje a la lôr costituzion. L'at costitutîf, il Statût o l'acquist di cuotis o azions a àn di jessi aprovâts dal Consei comunâl e e à di sei in ogni câs garantide la rappresentativitât dai sogjets publics intai orghins di amministrazion.

2. Il Comun al sielç i siei rapresentants tra i sogjets di specifiche competence tecniche e professionâl e concorint ai ats gjestionâi al considere i interès dai consumadôrs e dai utents.

3. Il Sindic o un so delegât al partecipe a la assemblee dai socis in rapresentance dal Ent.

4. Il Consei Comunâl al proviôt a verificâ anualmentri l'andament de societât par azions o a responsabilitât limitade e a controlâ che l'interès de coletivitât e sedi avuâl tutelât intal cercin de ativitât esercitade de midiesime societât.

ART. 57 GJESTION ASSOCIADE DAI SERVIZIS E DES FUNZIONI

1. Il Comun al ten rapuarts cun chei altris Comuns, la Provincie e la Regjon par promovi e cirî formis associativis plui justis jenfri di chês previodudis de Leç in relacion a lis ativitâts, ai servizis, a lis funzions di davuelzi e ai obietîfs di cjapâ.

ART. 58 PRINCIPI DI COOPERAZION

1. L'ativitât dal Ent e je indreçade a otignî un o plui obietîfs di interès comun cun altris Ents Locâi, si organize valintsi des formis e dai istitûts previodûts de Leç midiant acuardis e intesis di cooperazion.

ART. 59 CONVENZIONI

1. Il Consei Comunâl al fin di otignî obietîfs di razionalitât economiche e organizzative, al pues deliberâ, la stipule di convenzioni di pueste cun Aministrazions Statâls, altris Ents Publics o cun privâts par davuelzi in mût coordinât funzions e servizis determinâts.

2. Lis convenzioni a àn di specificâ lis finalitâts, midiant la precisazion des specifichis funzions e/o servizis che ju rivuardin, la lôr durade, lis formis e i timps di sintîsi tra i Ents contraents, i rapuarts finanziariis che a àn tra di lôr, i vicendevui oblics e garanziis.

3. Inte convenzion i Ents contraents a puedin concuardâ che un di lôr al cjapi il coordinament organizatîf e aministratîf de gjestion, di fâsi in conformitât sei a ce che cu la stesse al è stât stabilît, sei a lis intesis che a derivin da lis periodichis consultazions tra i partecipants.

ART. 60 CONSORZIS

1. Pe gjestion associate di un o plui servizis il Consei comunâl al pues deliberâ la costituzion di un Consorzi cun altris Comuns e, cu la partecipazion eventuâl di altris Ents interessâts, seont lis leçs che a son sotans, aprovant a maiorance assolute dai components:

- 1.a) la convenzion che e stabilissi i fins e la durade dal Consorzi; la trasmission ai Ents aderents dai ats fundamentâi aprovâts de Assemblee, i rapuarts finanziariis e i oblics vicendevui e garanziis jenfri i Ents consorziâts:
- 1.b) il Statût dal Consorzi.

2. Il Consorzi al è Ent strumentâl dai Ents consorziâts indotât di personalitât juridiche e di autonomie organizzative e gjestionâl.

3. Il Statût dal Consorzi al stabilirà la durade e la composizion de Assemblee e dal Consei di Aministrazion, i requisîts pes condizions di eleibilitât, lis modalitâts di elezion e la revoche dai lôr membris e ancje lis modalitâts di elezion o di nomine dal President.

4. La Assemblee e approve i ats fundamentâi dal Consorzi, providûts dal Statût.

5. Cuant che la particolâr rilevanza organizzative e economiche dai servizis gjestîts al ocori, il Consorzi al nomene, secont ce che al è providût dal Statût e de convenzion, un Diretôr, e a lui i compet la responsabilitât gjestionâl dal Consorzi

ART. 61 ACUARDIS DI PROGRAM

1. Par proviodi a definî e meti in vore oparis, interventis e programs di intervent che a domandin, pe lôr complete realizazion, l'azion integrate e coordinade dal Comun e di altris Aministrazions e sogjets publics, il Sindic, vint lui la competence primarie dal Comun su la opare, sui interventis o sui programs di intervent, al promôf la conclusion di un acuardi di program par sigurâ il coordinament des diversis azions e ativitâts e par stabilî i timps, modalitâts, finanziaments e ogni altri adempiment al rivuart.

2. Il Sindic al clame dongje i rapresentants di dutis lis Aministrazions interessadis par verificâ la pussibilitât di definî l'acuardi di program.

3. Il Sindic, cun propi at formâl, al approve l'acuardi li che al è indicât, tal rispjet des normis in vore, il consens des Aministrazions interessadis.

4. Intal câs che l'acuardi al sedi cjapât sù cun decret dal President de Regjon e al stabilissi cambiaments dai struments urbanistics dal Comun, l'adesion dal Sindic a cheste e à di jessi ratificade dal Consei comunâl, dentri di 30 dîs, se no e cole.

5. Intal câs che l'acuardi di program al sedi promovût di un altri sogjet public che al à competence te realizazion des oparis, dai interventis e programs, li che al existi un interès dal Comun a partecipâ a la lôr realizazion, il Sindic al partecipe al acuardi, informantint la Zonte e al sigure la colaborazion de Aministrazion comunâl in rapuart a lis sôs competencis e al interès, diret o indiret, de sô comunitât a lis oparis, interventis e programs di realizâ.

6. Si aplichin, pe metode in vore dai acuardis di program, lis disposizions stabilidis de Leç.

TITUL VII

FINANCE CONTABILITÂT E CONTROL DI GJESTION

ART. 62 FINANCE E CONTABILITÂT

1. L'ordenament de finance dal Comun al è riservade a lis leçs. Il Comun al è titolâr dal podê di imponi in materie di impuestis, di tassiss e di tarifis. Tal cercin des facultâts concedudis de Leç il Comun al istituìs, al tire vie e al regolamente cun deliberazion consiliâr, impuestis, tassiss e tarifis.

2. Il Comun al met sù lis tassiss, tignint cont de capacitât contributive dai sogjets passîfs seont i principis di progressivitât stabilîts de costituzion e al met sù lis tarifis in maniere di judâ lis categoriis plui debulis de popolazion.

3. I orghins e i uficis dal Comun a adatin i propis ats e i lôr compartaments tes cuistions di jentradis tributariis seont i principis detâts de Leç dal 27 di Lui dal 2000 n. 212, che e rivuarde "Disposizioni in materie dai dirits dai contribuents", al fin di garantî par clarece e ciertece des normis rivuardant i oblics tributaris, publicitât e informazion in asset cui proviodiments comunâi, semplificazion e facilitazion dai adempiments, rapuarts di vicendevule coretece e colaborazion.

4. Il Comun al à un propi demani e patrimoni. I relatîfs bens a son regjistrâts intai aventaris di pueste.

ART. 63 BELANÇ E CONTABILITÂT

1. L'ordenament contabil dal Comun al è riservât a la leç e, tai limits di cheste, al regolament di contabilitât.

2. Il Consei comunâl al delibare drenti i tiermins fissâts des normis in vore il belanç di prevision, osservant i principis di unitât, anualitât, universalitât e integritât, cun veretât, cun paritât dal belanç e publicitât.

3. Il belanç al è furnît di une relazion di revision e di program e di un belanç pluriennâl di durade avuâl a chel de Regjon. Il belanç e lis sôs zontis a àn, dut câs, di jessi butâts jù in mût di dâ la leture par programs, par servizis e intervents.

4. I fats de gjestion a son cjapâts sù midiant la contabilitât finanziarie e economiche e dimostrâts tal rindicont che al cjape drenti il cont dal belanç, il cont economic e il cont dal patrimoni.

ART. 64 CONTROI INTERNIS

1. Al fin di verificâ la metode in vore dai obietîfs programâts e ancje la eficiencie, la eficacitât e la economicitât de gjestion, al è istituît il control di gjestion, seont lis normis e cu lis modalitâts che si cjatin tes normis regolamentâr di pueste scritis.

2. Midiant lis normis regolamentâr di pueste scritis a son ancje disciplinadis lis altris formis di control indicadis tal art. 147 dal D.L.S. 276/2000.

ART. 65 COLEÇ DAI REVISÔRS DAI CONTS

1. Il Consei Comunâl al elei cun vôt limitât a doi components il Coleç dai revisôrs dai conts seont i criteris stabilîts par Leç.

2. L'orghin di revision al à dirit di acès ai ats e documents dal Ent.

3. L'orghin di revision al colabore cul Consei Comunâl te sô funzion di control e di indreçament, al esercite la vigilance su la regolaritât contabil e finanziarie de gjestion dal Ent e al ateste se al corispuint al rindicont e ai risultâts de gjestion butant jù une relazion di pueste che e compagni la propueste di deliberazion consiliâr dal rindicont dal belanç.

4. Inte relazion che si cjate al precedent come l'orghin di revision al pant rilêfs e propuestis che a tindin a otignî une miôr eficiencie, produtivitât e economicitât de gjestion.

5. L'orghin di revision dulà che al cjati gravis iregolaritâts te gjestion dal Ent, al riferis daurman al consei.

6. L'orghin di revision al rispuint de veretât des sôs atestazions e al disbrate ai dovês cu la dilijence dal mandatari.

7. Altris compits dal orghin di revision a son stabilîts intal regolament di contabilitât.

TITUL VIII

NORMIS FINÂLS

ART. 66

MUDÂ E TIRÂ VIE IL STATÛT

1. Ogni mudament dal Statût e je deliberade dal Consei comunâl cu la procedure des normis previodudis de Leç.
2. La propueste di deliberazion par tirâ vie il Statût e à di sei compagnade de propueste di deliberazion di un gnûf Statût.

ART. 67

TIRÂ VIE NORMIS REGOLAMENTÂRS

1. Il Statût al scancele dutis lis normis regolamentârs no compatibilis.

ART. 68

JENTRADE IN VORE DAL STATÛT

1. La jentrade in vore e la publicazion dal presint Statût, cun dutis lis modificchis e zontis, a son regoladis de Leç.

TABELE

TITUL I - PRINCIPIS GJENERÂI

Art. 1 - Principis fundamentâi	pag. 2
Art. 2 - Teritori e Sede comunâl.....	» 2
Art. 3 - Steme e Confenon	» 2
Art. 4 - Principis finalitâts e garanziis	» 2
Art. 5 - Lenghe furlane.....	» 3
Art. 6 - Funziions.....	» 3

TITUL II - I ORGHINS

Art. 7 - I Orghins.....	» 4
Art. 8 - Il Consei comunâl.....	» 4
Art. 9 - Liniis programatichis dal Sindic.....	» 4
Art. 10 - Convocazion dal Consei.....	» 5
Art. 11 - Sedudis e deliberaziions.....	» 5
Art. 12 - Partecipazion dal Segretari Comunâl.....	» 6
Art. 13 - Conseîrs comunâi.....	» 6
Art. 14 - Dirits e dovès dai conseîrs.....	» 6
Art. 15 - Dirits di acès dai conseîrs	» 7
Art. 16 - Grups consiliârs.....	» 7
Art. 17 - Comissions consiliârs.....	» 7
Art. 18 - Comissions consultivis.....	» 8
Art. 19 - Ativitât ispetive e comissions di indagjin.....	» 8
Art. 20 - La Zonte Comunâl.....	» 8
Art. 21 - Competencis de Zonte.....	» 9
Art. 22 - Funzionament de Zonte	» 9
Art. 23 - Il Sindic.....	» 9
Art. 24 - Il Vice Sindic.....	» 10
Art. 25 - Lis deleghis.....	» 11
Art. 26 - Cessazion	» 11
Art. 27 - Mozion di sfiducie	» 11

TITUL III - STRUTURE ORGANIZATIVE E PERSONÂL

CJÂF 1 - LA ORGANIZAZION

Art. 28 - Principis strutturâi e organizatîfs.....	» 12
Art. 29 - Definizion.....	» 12
Art. 30 - Organizazion de strutture e dal personâl.....	» 12
Art. 31 - Regolaments di organizazion	» 13
Art. 32 - Dirits e dovès dai dipendents.....	» 13

CJÂF II - IL PERSONÂL DIRETÎF

Art. 33 - Diretôr gjenerâl	» 13
Art. 34 - Responsabil.....	» 13
Art. 35 - Incarics	» 14
Art. 36 - Colaboraziions di fûr.....	» 14

Art. 37 - Segretari comunâl.....	» 14
Art. 38 - Vice Segretari.....	» 14

TITUL IV - PARTECIPAZION POPOLÂR

Art. 39 - Libaris formis associativis.....	» 15
Art. 40 - Volontariât.....	» 15
Art. 41 - Intervents intal procediment aministratîf.....	» 15
Art. 42 - Dirit di acès.....	» 16
Art. 43 - Informazion e publicitât.....	» 16
Art. 44 - Assembleis e riunions.....	» 16
Art. 45 - Consultazions.....	» 16
Art. 46 - Istancis.....	» 16
Art. 47 - Petizions.....	» 17
Art. 48 - Propuestis.....	» 17
Art. 49 - Referendum.....	» 17

TITUL V - FUNZION NORMATIVE

Art. 50 - Statût.....	» 19
Art. 51 - Regolaments.....	» 19

TITUL VI - FORMIS DI GJESTION DAI SERVIZIS E DI COLABORAZION

Art. 52 - Formis di gjestion dai servizis publics locâi.....	» 20
Art. 53 - Gjestion in economie.....	» 20
Art. 54 - Aziende speciâl.....	» 20
Art. 55 - Istituzion.....	» 21
Art. 56 - Societât par azions o a responsabilitât limitade.....	» 21
Art. 57 - Gjestion associate dai servizis e des funzions.....	» 21
Art. 58 - Principi di cooperazion.....	» 21
Art. 59 - Convenzions.....	» 22
Art. 60 - Consorzis.....	» 22
Art. 61 - Acuardis di program.....	» 22

TITUL VII - FINANCE, CONTABILITÂT E CONTROL DI GJESTION

Art. 62 - Finance e contabilitât.....	» 23
Art. 63 - Belanç e contabilitât.....	» 23
Art. 64 - Controi internis.....	» 23
Art. 65 - Coleç dai revisôrs dai conts.....	» 23

TITUL VIII - NORMIS FINÂLS

Art. 66 - Mudâ e tirâ vie il Statût.....	» 24
Art. 67 - Tirâ vie lis normis regolamentârs.....	» 24
Art. 68 - Jentrade in vore dal Statût.....	» 24